

藏

要

法
藏

要

歐陽竟無編

藏要

八

上海書店

俱舍論附本頌

第八册 目錄

論藏

阿毘達磨俱舍論·····

一

卷一至三十

本頌

經藏

大般若經第十六分·····

七二九

六科

卷五九三至六〇〇

華嚴行位七品讀·····

九一九

首楞嚴三昧經上中下卷·····

一〇〇一

寶積經普明會附瑜伽釋·····

一〇六三

首楞嚴三昧經

(一) 原刻無此字。今加。次後各卷均同。(二) 深本卷第一。

阿毗達磨俱舍論卷第一

尊者世親造

唐三藏法師玄奘奉詔譯

三藏八品明辯法 初二品中明證
分別界品第一之一

序分 正明序分

諸一切種諸冥滅。拔衆生出生死泥。

敬禮如是如理師。

對法藏論我當說。

論曰。今欲造論。爲顯自師其體尊高。超諸聖衆。故先讚德。方申敬禮。諸言所表。謂佛世尊。此能破闇。故稱冥滅。言一切種諸冥滅者。謂滅諸境一切品冥。以諸無知能覆實義及障真見。故說爲冥。唯佛世尊得永對治。於一切境一切種冥。證不生法。故稱爲滅。聲聞獨覺雖滅諸冥。以染無知畢竟斷故。非一切種。所以者何。由於佛法極遠時處及諸義類無邊差別不染無知猶未斷故。已讚世尊自利德滿。次當讚佛利他德圓。拔衆生出生死泥者。由彼生死是諸衆生沉溺處。故難可出故。所以譬泥。衆生

於中淪沒無救。世尊哀愍。隨授所應正法。教手拔濟令出。已讚佛德。次申敬禮。敬禮如是如理師者。稽首接足。故稱敬禮。諸有具前自他利德。故云如是。如實無倒。教授誠勸。名如理師。如理師言。顯利他德。能方便說如理正教。從生死泥拔衆生出。不由威力與願神通。禮如理師欲何所作。對法藏論我當說者。教誠學徒。故稱爲論。其論者何。謂對法藏。隨釋別解。一出對法藏。何謂對法。頌曰。

淨慧隨行名對法。及能得此諸慧論。

論曰。出釋慧謂擇法。淨謂無漏。淨慧眷屬。名曰隨行。如是總說無漏五蘊。各爲對法。此則勝義阿毗達磨。若說世俗阿毗達磨。即能得此諸慧及論。慧謂得此有漏修慧。思聞生得慧及隨行。論謂傳生無漏慧教。此諸慧論是彼資糧。故亦得名阿毗達磨。釋名此名者。能持自相。故名爲法。若勝義法。唯是涅槃。若法相法。通四聖諦。此能對向。或能對觀。故稱對法。二釋義名已釋對法。何故此論名對法藏。頌曰。

（一）系判作論。今支論判及釋義本末。
此皆不然。達磨亦名佛說。因來曾知。非注經量所安。故非唯顯量義。達磨至正。是經之量。不應達磨宗。
異便非佛說。不可說達磨是達磨。
（二）二本此句在前。為本領第二句云。有漏何以致。釋文以有漏其引句同。
釋。何以故。與三句同義。

攝彼釋義依彼故。此立對法俱舍名。二

論曰。由彼對法論中勝義。入此攝故。此得藏名。或此依彼。從彼引生。是彼所藏。故亦名藏。是故此論名對法藏。二明對法藏人何因說彼阿毗達磨。誰復先說阿毗達磨。而今造論恭敬解釋。頌曰。

若離擇法定無餘。能滅諸惑勝方便。由惑世間漂有海。因此傳佛說對法。三

論曰。若離擇法。無勝方便。能滅諸惑。諸惑能令世間漂轉生死大海。因此傳佛說彼對法。欲令世間得擇法故。離說對法弟子不能於諸法相如理揀擇。然佛世尊處處散說阿毗達磨。大德迦多衍尼子等諸大聲聞結集安置。猶如大德法救所集無常品等。鄔陀南頌。毗婆沙師傳說如此。正分何法名為彼所揀擇。因此傳佛說對法耶。頌曰。有漏無漏法。除道餘有為。於彼漏隨增。故說名有漏。明第八品無漏謂道諦。及三種無為。謂虛空二滅。此中空無礙。五

擇滅謂離繫。隨繫事各別。畢竟礙當生。別得非擇滅。六

論曰。說一切法略有二種。謂有漏無漏。有漏法云何。謂除道諦餘有爲法。所以者何。諸漏於中等隨增故。緣滅道諦。諸漏雖生而不隨增。故非有漏。不隨增義。隨眠品中自當顯說。已辯有漏。無漏云何。謂道聖諦及三無爲。何等爲三。虛空二滅。二滅者何。擇非擇滅。此虛空等三種無爲及道聖諦。名無漏法。所以者何。諸漏於中不隨增故。於略所說三無爲中。虛空但以無礙爲性。由無障故。色於中行。擇滅卽以離繫爲性。諸有漏法。遠離繫縛。證得解脫。名爲擇滅。擇謂揀擇。卽慧差別。各別揀擇。四聖諦故。擇力所得滅名爲擇滅。如牛所駕車名曰牛車。略去中言。故作是說。一切有漏法同一擇滅耶。答。不爾。云何。隨繫事別。謂隨繫事量離繫事亦爾。若不爾者。於證見苦所斷煩惱滅時。應證一切所斷諸煩惱滅。若如是者。修於對治。則爲無用。依何義說滅無同類。依滅自無同類。因義亦不與他。故作是說。非無同類。已說擇滅。永礙當生。得非

(11)三本才漢頌文除道餘有爲句。 (11)三本文才漢頌文此中空無礙句。

(一) 淨本藏本大疏頌文亦世路言依六有離有事等二句。

擇滅謂能永礙未來法生得滅異前名非擇滅得不因擇但由闕緣如眼與意專一
色時餘色聲香味觸等謝緣彼境界五識身等住未來世畢竟不生由彼不能緣過
去境緣不具故得非擇滅於法得滅應作四句或於諸法唯得擇滅謂諸有漏過現
生法或於諸法唯非擇滅謂不生法無漏有為或於諸法俱得二滅謂彼不生諸有
漏法或於諸法不得二滅謂諸無漏過現生法如是已說三種無為前說除道餘有
為法先名有為名是名有漏何謂有為頌曰

又諸有為法謂色等五蘊亦世路言依有離有事等七

論曰色等五蘊謂初色蘊乃至識蘊如是五法具攝有為衆緣聚集共所作故無有
少法一緣所生是彼類故未來無妨如乳如薪此有為法亦名世路已行正行當行
性故或為無常所吞食故或名言依言謂語言此所依者即名俱義如是言依具攝
一切有為諸法若不爾者應違品類足論所說彼說言依十八界攝或各有離離謂

永離卽是涅槃。一切有爲有彼離故。或各有事以有因故。事是因義。毗婆沙師傳說如此。如是等類。是有爲法差別。有漏名衆名於此所說有爲法中。頌曰。

有漏名取蘊。亦說爲有諍。及苦集世間。見處三有等。八

論曰。此何所立。謂立取蘊。亦名爲蘊。或有唯蘊而非取蘊。謂無漏行。煩惱名取。蘊從取生。故名取蘊。如草糠火。或蘊屬取。故名取蘊。如帝王臣。或蘊生取。故名取蘊。如華果樹。此有漏法。亦名有諍。煩惱名諍。觸動善品故。損害自他故。諍隨增故名爲有諍。猶如有漏。亦名爲苦。違聖心故。亦名爲集。能招苦故。亦名世間。可毀壞故。有對治故。亦名見處。見住其中。隨增眠故。亦名三有。有因有依。三有攝故。如是等類。是有漏法。隨義別名。如上所言。色等五蘊名有爲法。色蘊者何。頌曰。

色者唯五根。五境及無表。

論曰。言五根者。所謂眼耳鼻舌身根。言五境者。卽是眼等五根境界。所謂色聲香味

(一) 原刻誤反。今安覺刻改。(二) 藏本文雖頌文及苦集世間見處三有等二句。除本分二段。餘。

(一) 原刻作相。今依諸刻文。實讀本無文。

所觸及無表者。謂無表色。唯依此量立色蘊。別五根各此中先應說五根相。頌曰。

彼識依淨色。名眼等五根。

論曰。彼謂前說色等五境。識即色聲香味觸識。彼識所依五種淨色。如其次第應知。即是眼等五根。如世尊說。必當當知眼謂內處四大所造淨色為性。如是廣說。或復彼者。謂前所說眼等五根。識即眼耳鼻舌身識。彼識所依五種淨色。名眼等根。是眼等識所依止義。如是便順品類足論。如彼論說云。何眼根眼識所依淨色為性。如是廣說。已說五根。次說五境。頌曰。

色二或二十。聲唯有八種。味六香四種。觸十一為性。一。

論曰。言色二者。一顯二形。顯色有四。青黃赤白。餘顯是此四色差別。形色有八。謂長為初。不正為後。或二十者。即此色處復說二十。謂青黃赤白長短方圓高下正不正。雲煙霞霧影光明暗。有餘師說空一顯色。第二十一。此中正者。謂形平等。形不平等。

名爲不正。地水氣騰說之爲霧。日焰名光。月星火藥寶珠電等。諸焰名明。障光明生於中。餘色可見名影。翻此爲闇。餘色易了。故今不釋。四句或有色處有顯無形。謂青黃赤白影光明暗。或有色處有形無顯。謂長等一分身表業性。或有色處有顯有形。謂所餘色。異師不正義有餘師說唯光明色有顯無形。現見世間青等色處有長等故。外難如何一事具有顯形。由於此中俱可知故。此中有者是有智義。非有境界。論主釋云若爾身表中亦應有顯智。已說色處當說聲處。聲唯八種。謂有執受或無執受大種爲因。及有情名非有情名差別爲四。此復可意及不可意差別成八。執受大種爲因聲者。謂言手等所發音聲。風林河等所發音聲。名無執受大種爲因。有情名聲。謂語表業。餘聲則是非有情名。雜、心論師有說有聲通有執受及無執受大種爲因。如手鼓等合所生聲。論主破如不許一顯色極微二四大造。聲亦應爾。已說聲處當說味處。味有六種。甘醋鹹辛苦淡別故。已說味處當說香處。香有四種。好香惡香等不等香有差別故。本論中說香有三種。好香惡香

及平等香。已說香處。當說觸處。觸有十一。謂四大種滑性澀性重性輕性及冷饑渴。此中大種。後當廣說。柔軟名滑。麤強爲澀。可稱名重。翻此爲輕。煖欲名冷。食欲名饑。飲欲名渴。此皆於因立果名。故作如是說。如有頌言。諸佛出現。樂演說正法。樂僧衆和合。樂同修。勇進樂。於色界中無饑渴。觸有所餘。觸。彼界衣服。別不可稱聚。則可稱冷。觸於彼雖無能損。而有能益。傳說如此。此中已說多種色處。有時眼識緣一事生。謂於爾時各別了別。有時眼識緣多事生。謂於爾時不別了別。如遠觀察軍衆山林。無量顯形珠寶聚等。應知耳等諸識亦爾。謂果說有餘師說。身識極多緣五觸起。謂四大種滑等隨一。後止說有說極多。總緣一切十一觸起。疑若爾。五識總緣緣境故。應五識身取共相境。非自相境。通約處自相。許五識身取自相境。非事自相。斯有何失。詞今應思擇身舌二根兩境俱至。何識先起。答隨境強盛。彼識先生。境若均平。舌識先起。食欲引身。令相續故。別無表一無表指已說根境及取境相。無表色相。今次當說。頌曰。

(一) 陳本此句與上率頌作一段。

濕性。火界煖性。風界動性。由此能引大種造色。令其相續生至餘方。如吹燈光。故名爲動。品類足論及契經言。云何名風界。謂輕等動性。復說輕性爲所造色。故應風界動爲自性。舉業顯體。故亦言輕。對輕顯質云何地等。地等界別。頌曰。

地謂顯形色。隨世想立名。水火亦復然。風即界亦爾。三

論曰。地謂顯形色處爲體。隨世間想假立此名。由諸世間相示地者。以顯形色而相示故。水火亦然。風即風界。世間於動立風名故。或如地等隨世想名。風亦顯形。故言亦爾。如世間說黑風團風。此用顯形表示風故。何故此蘊形質之義無表爲後。說爲色耶。由變壞故。如世尊說。苾芻當知。由變壞故名色取蘊。同誰能變壞。答謂手觸故。即便變壞。乃至廣說。變壞即是可惱壞義。故義品中作如是說。趣求諸欲人。常起於希望。諸欲若不遂。惱壞如箭中色。同復云何欲所惱壞。欲所擾惱變壞生故。有說變礙故名爲色。若爾極微應不名色。無變礙故。此難不然。無一極微各處而住。衆微聚集。變礙義成。過去